

Awurade Yesu Kristo resan aba asaase so ntɛm. Yei ye bɔ a ɔhyeɛ berɛ a ɔdahɔ wɔ wiase bɛyɛ mfie mpem mmienu a abɛsene kɔ (Yohane 14:1-3). ɛbɛyɛ den na yeahunu no nokorɛ mu se ɔbɛsan aba ampa ara. Mesrɛ wo, kenkan nkɔmhyɛ a Awurade Yesu no ara kaeɛ fa nneɛma a ɛbɛsisi wɔ awieɛ berɛ mu no. Sɛ wo to wo bo kenkan saa twerɛsɛm yinom na wode toto nneɛma a ɛresisi saa berɛ yi ho a, ɛda no adi pefee sɛ ampa ara, Awurade Yesu bɛsan aba wɔ yɛn berɛ yi mu.

1 ASɔREFIE NO Sɛɛ

Na Yesu firi adi firi asɔrefie hɔ kɔe na n'asuafoɔ no mu baako baa ne nkyɛn sɛ ɔrebɛkyerɛ no asɔrefie adan no. Na ɔkaa sɛ, Kyerɛkyerɛfoɔ, hwɛ sedee woasi de abɔɔ a ɛyɛ fɛ ne akɛyɛdeɛ asiesie ɛdan yi dɔsɔɔ wɔ ha. Na Yesu ka kyereɛ wɔn sɛ: ɛfa saa ɛdan nwanwasɔɔ a mo hu yi, ampa ara, meka kyereɛ mo sɛ, nna bi bɛba a, ɔbedwiri biribi ara agu fam, a ɛbɔɔ baako mpo ntɔ ɔfoforɔɔ so (Mateo 24:1-2; Marko 13:1-2; Luka 21:5-6).

Eyi baa mu pɛpɛpɛ wɔ Yesu awoɔ akɛi mfie aduosen

2 ɛBA NO HO NSɛNKYERɛNEE

Na ɔte Ngo Bepɔ a ɛne asɔrefie no di nhwɛanimu so no, asuafoɔ no – Petro, Yakobo ne Andrea, baa ne nkyɛn bɛbisaa no kokoa mu sɛ: Ka kyereɛ yɛn berɛ bɛn na saa nneɛma yi bɛba mu? Na ɛdeɛn na ɛbɛyɛ wo ba ne wiase awieɛ no ho nsɛnkyerɛnee a saa nneɛma yi nyinaa bɛba mu? (Mat 24:3; Mk 13:3-4; Lk 21:7).

3 NNADAAFOɔ BɛSɔRE

Na Yesu bua see wɔn sɛ: Monhwɛ na obi annaadaa mo. Na nnipa bebree de me din bɛba abɛka sɛ: Mene Kristo no; na woadadaa pii. Enti monnni wɔn akɛi. (Mat 24:4-5; Mk 13:5-6; Lk 21:8).

4 AKO NE AKOSɛM

Na mote ako, basabasayɛ ne akosɛm a, mommma no mmmɔ mo hu; na ɛtwa sɛ yei nyinaa di kan ba mu, nanso na awieɛ no nnya nnuruui (Mat 24:6; Mk 13:7; Lk 21:9).

5 MMUSUAKOUAKOKOAKOKO|ASAA SEWOSOɔ|ɛKɔM|YAREDɔM

Na ɔka kyereɛ wɔn sɛ: Na ɔman bɛsore atia ɔman, na ahennie atia ahennie. Na asaasewosɔɔ a emu yɛ den bɛba mmeammea, ne ɔkɔm, ɔhaw ne yaredɔm; na nsɛnkyerɛnee akɛsɛɛ a ɛyɛ hu bɛfiri ɔsoro aba (Mat 24:7; Mk 13:8; Lk 21:10-11).

6 Yeinom nyinaa ne awerɛhoɔ mfitiaseɛ

(Mat 24:8; Mk 13:8).

7 KRISTOFOɔ AMANEHUNU

Nanso momma mo ani nna hɔ, ansaa na yei nyinaa bɛba no, wɔbɛkye mo mu bi ayɛ wɔn ayakayakadeɛ, wɔde mobɛhyɛ amrado nsa na woaka mo mpire wɔ hyia adan mu; wɔde mo bɛto afiase, wɔde mo bɛfa ahohiahia mu na woaku mo. Na wɔde mo bɛgyina ahemfo ne atumfoɔ anim, me din nti. Nanso, yei bɛma mo akwannya na moadi adanseɛ (Mat 24:9; Mk 13:9; Lk 21:12-13).

8 Na sɛ wɔkye mo na wɔyi mo ma a, mommma no nnha mo ansa, nnnwennwene deɛ mobɛka anaa deɛ mobɛbua. Na mmom, deɛ wɔde bɛma mo ɛdɔn no ara mu sɛ monnka no, eno na monka; na enyɛ mo na mokasa, na mmom Honhom Kronkron no. Na mɛma mo ano ne nyansa a mo atamfo nyinaa nntumi nnane no anaa nntumi nsi wo kwan (Mk 13:11; Lk 21:14-15).

9 ABUSUA MU HWAMMɔDIE

Na ɛbɛto dodoɔ ara suntidua. Onua beyi onua ama sɛ wɔnku no, na agya ayi ɔba ama, ne ayɔnkoɔ ne abusuafɔɔ; na mma bɛsore atia awofɔɔ na woapɛ sɛ wonku wɔn. Na nnipa nyinaa bɛtan wo me din nti. Na mo tiri nwi baako mpo renyera. Momfa abotre nnye mo kra nkwa (Mat 24:9-10; Mk 13:12-13; Lk 21:16-19).

10 ɔDɔ ANO BɛDWO

Na ɛnam sɛ amumuyɛ bɛdɔsɔ nti, wɔn mu dodoɔ ara dɔ ano bɛdwo. Na deɛ ɔbegyina akɔduru awieɛ no, ɔbɛgye no nkwa (Mat 24:12-13). Mmarato - amumuyɔ

11 Na etwa sɛ wɔbɔ AHEMAN NO HO ASɛMPA YI

wiase nyinaa de di adanseɛ, ansa na awieɛ no bɛba (Mat 24:14; Mk 13:10).

12 AKYIWADEɛ A ɛBɔ YERUSALEM MAN NO

Na sɛ mo hunu sɛ atamfo atwa Yerusalem ho ahya, ɛnnee na monhunu sɛ ne sɛɛ no abɛn (Lk 21:20). Enti sɛ mohunu *akɛiwadeɛ a ɛbɔ ɔman* no a odiiyifoɔ Daniel kaeɛ no sɛ ɛgyina krɔnkrɔn bea hɔ no a (deɛ ɔrekenkan no ma no nte aseɛ), ma wɔn a wɔwɔ Yudea nnwane ntɛmso nkɔ mmepɔ sɔɔ, ma wɔn a wɔwɔ (Yerusalem) mfiri mu nkɔ, na mommma wɔn a wɔwɔ ɔman mu no nnkɔ mu. Mma wɔn a wɔwɔ adan atifi no nnsane mmmɛfa biribi mmfiri ne dan mu. Na deɛ ɔwɔ wiram nso nnsane n'akɛi mmmɛfa ne ntoma (Matt 24:15-18; Mk 13:14-16; Lk 17:31; 21:21). Wɔnnue, wɔn a wɔafa afuro ne wɔn a wɔma nufɔɔ nna no mu no! Na mommɔ mpaɛɛ na mo dwane no amma awɔberɛ anaa homeda (Mat 24:19-20; Mk 13:17-18; Lk 21:23). Na wɔbɛtɔ nkrante ano, na wɔɔfa wɔn nnɔmmum

akɔ amanaman nyinaa so. Na amanaman mufɔɔ bɛtiatia Yerusalem so de akosi sɛ amanaman no berɛ bɛwie duro (Lk 21:24).

13 YAKOB AMANEHUNU NO BERɛ

(Jeremia 30:6-7)

Na *nna no mu no*, ahohiahia kɛsɛɛ ne ateetee kɛsɛɛ a ɛfiri wiase mfitiaseɛ a Onyankopɔn bɔɔ wiase de bɛsi nnɛ ebi mmaa da, nanso ebi remma asaase no so da ne abufohyɛɛ a ɛba nnipa sɔɔ no bɛba. Na sɛ wɔantwa nna no so a, anka wɔrennye ɔhonam biara. Nanso, wɔn a wɔayi wɔn no nti, wɔbɛtwa nna no so (Mat 24:21-22; Mk 13:19-20; Lk 21:23). Na aweretɔ nna no ni, sɛdeɛ wɔatwere no nyinaa bɛwie duro (Lk 21:22).

14 KRISTO ATOROFOɔNE ADIYIFOɔ ATOROFOɔ

Eno na sɛ obi ka sɛ, *hwɛ, Kristo wɔ ha anaase ɔwɔ ha a!*, monnye nnni. Na Kristo atorofɔɔ ne adiyifoɔ atorofɔɔ bɛsɔre na wɔabɛyɛ nsɛnkyerɛnee akɛsɛɛ ne anwanwadeɛ, na sɛ wɔbɛtumi mpo a anka wɔbɛdaadaa wɔn a wɔayi wɔn no. Na monhwɛ yie; monhunu sɛ maka yeinom nyinaa akɛyɛ mo dada (Matt 24:23-24; Mk 13:21-23). Enti sɛ wɔka kyereɛ mo sɛ, *hwɛ ɔwɔ ɛserɛ so a!* mommfiri adi, anaasɛ, *hwɛ ɔwɔ mpia mu a!* a monnye nnni. Na sɛdeɛ anyinam pae wɔ wiem firi apueɛ na ɛhyerɛn kɔ atɔɛ no, sɛdeɛ onipa ba no ba nso bɛyɛ ara ne no (Mat 24:26-27; Lk 17:23-24).



15 EWIE MU NSENKYERĒNEE
Na nna no mu ahohiahia akyiri no, ntēm ara nsenkyerēnee bēsi: owia bēduru sum, na ɔsranee renhyerēn, na nsoroma bētutu firi soro agu fam. Na ɔsoro ahooɔden bēwoso (Mat 24:29; Mk 13:24-25; Lk 21:25). Na amanaman ho bēyera wɔn asaase so ɛpo ne asorɔkyeɛ a ɛrehuru no nti; nnipa bētoto bera ɛnam ehu ne nneɛma a wɔrehwɛ animu sɛ ɛbɛba wiase no nti (Lk 21:25-26).

16 Eno na **ONIPA BA NO NSENK YERĒNEE** bɛda adi wɔ soro, na asaase so mmusuakuo nyinaa bɛsu na wɔbɛhunu onipa ba no sɛ ɔreba ɔsoro munumkum mu wɔ ahooɔden kɛsɛɛ ne animounyam mu. Na ɔbɛsoma n'abofɔɔ ama wɔde totorobɛnto a ne nne so aba, na wɔbɛboaboa wɔn a wɔayi wɔn no ano afiri wiase mframa nnan no mu afiri asaase akyiri nohoaa akosi ɔsoro akyiri nohoaa (Mat 24:30-31; Mk 13:26-27; Lk 21:27).

17 Afei nneɛma yi refiri aseɛ aba a, monhwɛ soro na momma mo tiri so, efiri sɛ mogyeɛ rebɛn (Lk 21:28).

18 Na ɔkaa sɛ: Afei monsua abɛbuo a ɛfa borɔɔɔma ne nnua nyinaa ho no. Sɛ ne mman nya yɛ frɔmfrɔm na ɛreyiyi nhahan a, mo hunu na mo ankasa monim sɛ ahuhuro berɛ abɛn. Saa ara na mo nso, sɛ mohunu yeinom nyinaa a, monhunu sɛ Onyankopɔn ahennie no abɛn na aduru apono ano (Mat 24:32-33; Mk 13:28-29; Lk 21:29-31). Na ɛda no ne dɔn ko no deɛ, obiara nnim, daabi, osoro abɔfɔɔ anaa ɔba no mpo nnim, gye agya no nko ara (Mat 24:36; Mk 13:32).

19 Na sɛdeɛ **NOA NNA NO YEE NO**, saa ara nso na onipa ba no ba bɛyɛ. Na sɛdeɛ nna a ɛdi nsuyire no anim wɔdidiie na wɔnomɛɛ no, wɔwareeɛ na wɔmaa

awadeɛ de kɔsii da a Noa de hyɛnee adaka no mu, na wɔanhunu hwee de kɔsii sɛ nsuo bɛfaa wɔn nyinaa sɛɛ wɔn no, saa ara nso na onipa ba no ba bɛyɛ (Mat 24:37-39; Lk 17:26-27).

20 Nso, sɛdeɛ ɛyɛɛ wɔ **LOT NNA NO MU NO**: Wɔdidiie, na wɔnomɛɛ, wɔtɔɛ, wɔtɔnee, wɔduae, na wɔ sisii adan. Na da a Lot firii Sodom kɔɛɛ no, ogya ne sɔfe firii soro tɔɛ na ɛbɛsɛɛ wɔn nyinaa. Saa ara na ɛbɛyɛ ɛda a onipa ba no bɛyi ne ho adie no (Lk 17:28-30).

21 Monkae Lot yere no. Obiara a ɔbɛhwɛhwɛ sɛ ɔgye ne kra nkwa no, ɛbɛfiri ne nsa, na obiara a ne kra bɛfiri ne nsa no wɔbɛbo ne nkwa ho ban (Lk 17:32-33).

22 Mese mo sɛ, *anadwo no* nnipa baanu bɛda mpa baako so: Wɔbɛfa ɔbaako, na wɔagya ɔbaako. Mmaa baanu bɛbom ayam ayuo: Wɔbɛfa ɔbaako na wɔagya ɔbaako. Mmarima baanu bɛwɔ afuom: Wɔbɛfa ɔbaako, na wɔagya ɔbaako (Mat 24:40-41; Lk 17:34-36). Na wɔbua see no sɛ "ɛhe, Awurade?" Enti ɔka kyerɛɛ wɔn sɛ, "faako a efunu wɔ no, ɛho na mpɛtɛ bɛboaboa wɔn ano" (Mat 24:28; Lk 17:37).

23 **WEN NA YE MPAEBɔFOɔ**
 Na ɛte sɛ onipa bi a ɔgyaa ne fie retu kwan akɔ akyirikyiri man bi so, na ɔmaa ne nkoa tumi, obiara adwuma mmaaako mmaaako na ɔhyɛɛ ɔpono ano hwɛfɔɔ sɛ ɔnwɛn. Enti monwɛn na monnim dɔn ko a Awurade – Ofiewura no reba – anadwofa, ɔdasuom, akokɔbɔneeɛ, anaa anɔpa – na sɛ ɔba mpɔfire mu a wammɛhunu mo sɛ moadede (Mk 13:34-36).

24 Na monhunu yei sɛ, ofiewura nim ɔdasu ko a owifɔɔ no bɛba a, anka ɔbɛwɛn na wamma wammɛbu ne dan amma

mu. Ye nti, monsiesie mo ho nsie, efiri sɛ, onipa ba no bɛba dɔn ko a monnwene ho mu (Mat 24:43-44).

25 Na mmon, monhwɛ mo ho yie, anonom ne nsaborɔ, ne asetena yi mu dadwene anhyɛ mo akoma so, na *saa da no* ammɛto mo mpɔfirem. Wɛn na bɔ mpae; na mo nnim dɔn korɔ no. Na ɛbɛba sɛ fidie wɔ wɔn a wɔtete asaase ani nyinaa so (Mk 13:33; Lk 21:34-35).

26 Na deɛ meka kyerɛ mo yi, meka kyerɛ obiara: Monwɛn na momma mpae daa na moanya ahooɔden de adwane afiri nnoɔma a ɛreba yi nyinaa mu, na moankɔgyina onipa ba no anim (Lk 21:36).

27 Nokore mese mo sɛ, ɛkwan biara soɔ no awoɔ ntoatoaso yi rentwam, gye se yeinom nyinaa aba mu ansa. ɔsoro ne asaase bɛtwam, na me nsɛm deɛ, ɛrentwa mu da (Mat 24:34-35; Mk 13:30-31; Lk 21:32-33).


ɔte n'animuonyam adwa no mu – ɔhempɔn Awurade Yesu Kristo reba bio ntɛm so de tumi kɛsɛɛ a n'abɔfo kronkron ne n'ahoteefɔɔ ka ne ho.

Suro Onyankopɔn na hyɛ no animounyam, efiri se, n'atemuo dɔn adu; na monkoto nsɔre deɛ ɔyɔɔ osoro ne asaase, ɛpo ne asutire no (Adiyisɛm 14:7).

ɛberɛ rentwentwɛn ase bio!

Onyankopɔn ahennie no abɛn wo seesei. Sakyera wadwene na gye asɛmpa no di.

Siesie wo ho hyia Awurade,wo Nyankopɔn!



Hwɛ ANGEL TV
 Satellite : INTELSAT 20 (IS20)
 Orbital Location : 68.5° East
 Band : Ku-Band
 Downlink Frequency : 12.522 GHz
 Polarization : Vertical
 Symbol Rate : 27.500 Msps
 FEC : 3/4
 Modulation : DVB-S, MPEG-2 / SD
 Coverage Area : AFRICA & EUROPE

Local Contact Address